



GIUSEPPE CABIZZOSU

BIBLIOTECA

www.giuseppcabizzosu.it

Stefano Arru
(Pozzomaggiore 19?? -)

**Poesie scelte
in lingua sarda**



GIUSEPPE CABIZZOSU
BIBLIOTECA
www.giuseppcabizzosu.it

Stefano Arru

(Pozzomaggiore 19?? -)

Poesie scelte
in lingua sarda



GIUSEPPE CABIZZOSU
BIBLIOTECA
www.giuseppecabizzosu.it

Stefano Arru

(Pozzomaggiore 19?? -)

Stefano Arru è di Pozzomaggiore in provincia di Sassari. Recentemente si è aggiudicato il Premio Speciale intitolato alla poetessa "Alda Merini". al "XI° Premio di Poesia Città di Iglesias 2009"

Mirende chelu e terra

Menzione - Cuncursu de poesia sarda "Antoni Piludu" Iscanu XIX editzione – Annu 2012

Est note trevuca d'istiu!
Ogios a chelu mi sero
intro liberu abertu
de misterios bendante
subr'e nois isterridos
che tenda 'e banduleris
cun su tempus mudende...

A cara piena sa luna
acò s'acherat muitza
che mama 'e sos isteddos
chi parent amas falende
da' meriagu a riu 'e vida
sidiu meda pro sensare
sa sabiesa de s'ischire.

A chentales de incantu
pesendesi da' fundales
die noa naschidorza
paret chi porret saludu
d'afetu e de istima,
de cussu chelu serrende
liberu aizu lègidu.

Che criadura m'intendo
a sa tita alliada
pro ismurzu siguru;
non che sa pobera zente
prena d'apret'e uriolu
chi a bustar'e a chena
boddit revugiu areste,
aunzu a pane tostu.

Coro che terra sen'abba
isetat chi falet muddina
a infunder laras sicas
e sole ispaniet lughe
a solovrare pidinu
pro chi lompant mezorias

in sas oras benidoras...!

Note nemiga

Premio Speciale intitolato alla poetessa "Alda Merini" al "XI° Premio di Poesia Città di Iglesias 2009

Sa luma frita penosa
d'esser ispozadu e trincia-tricia
de biddia frita: S'Aquila,
intro banos dudosos
in mes'a piuber' e carrarzu:
tempus de mortos
ischidados da' su digugliu
de cadenas naturales.

A vivere custrintos
in istrintorzos de tendas
est de s'ultima raighina
ruina de un'atera terra.
Oras chi mai che colant
columas de peleas non nadas
in sa mutria prus trevuca.

Como campusantu ebbia :
bi drommint sos biados!?
E inoghe acò sos restados
chi adorant su nudda
ue isperdisciaremi finas deo!
Ma manos chi no si bident
m'isfrijant mele-mele
a che mundare pessos tristos.

Sa note longa de inferru
m'azuat a che colare:
acò chizos de piantu,
iscasciadu su coro de assustu
e una nue manna manna
inchinghere mortos e bios,
liberasciones a s'imbesse,
e peristantu sas domos nde ruent
in dilliriu disfatas.
Note nemiga sen'avreschida,
né die liberadora!

Urulu de impuddu

Menzione d'onore al "Premio Iglesias 2011"

Oe apo su coro cuadu
in sos pentorzos de s'amina
e isciau de bisos truvo
in su desertu costumadu
de sa terra istimada mia,
peri chessas e iscareu,
chena mira, a pessighire
pessos infartados e ispidinos.

Presoneri so de ispinas
in chiliru de dolima binchidu
dae sa furria fort' 'e su 'entu,
sende chi nues de chegina
pioent in sa ment'istasida
e sa lantiedda inchesa
tzachiddende caente morit.

De s'amina in sos carrarzos
frimmadi, Signore; iscantzella
tribbulias e peleas
cun su sambene ispartu in rughe,
sagrifitziu sublime.
Intende su tichirriu chi pigat
a Tie che bolu de alas
perdidu in sas camineras
de su 'idrigu mundu fritu.

Est urulu de impudu
chi sa marea de sa truma
biu no aiat interradu,
ma faladu cun boghe de tronu
atogat in sa fogh' 'e su riu
e s'isperdet sen' intumbu
in fundu a su mar' 'e sa vida.

E cun Tegus mudo s'andera
cara a sa sorte mia
pro assaborare sa fita mia de amore...